

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

- 1. Ilumoorpa Aalisarnermut Piniarnermullu Naalakkersuisoqarfiup 2017-mi novemberimi Kalaallit Nunaata kitaata avannaani kiisalu Kalaallit Nunaata kitaata kujataani qaleralittassiissutit ilaat agguateqqissimmagat. Aamma ilaatigut angallatit Royal Greenlandimit pigineqartut pisassinneqarsimasut imaluunniit annerusunik pisassiissutinik piginneqataaffigisai aalisartitseqatigiiffinnut allanut naleqqiullugu?**
- 2. Akuersissuteqartarneq pillugu nalunaarut (nr. 8/2016)naapertorlugu akuersissutinik agguassineq pisussaapput Naalakkersuisut aalajangersai piumasaqaatit naapertorlugit. Naalakkersuisut oqaatigisinnaanerlugu suut piumasaqaatit tunngavigalugit akuersissutinik agguassisoqarsimanersoq?**
- 3. Suut tunngavilersuutit tunngavigalugit naalakkersuisoqarfiup Royal Greenlandip tamakkiisumik ilaannakoortumilluunniit pigisaanut angallatinut pisassiissutit annersaat tunniuppai allanut aalisartitseqatigiiffinnut naleqqiullugu?**
- 4. Naalakkersuisut uppersarsinnaanerlugu maannamut naalakkersuisoqarfiup pisassiissutit aalisartitseqatigiiffinnut pioreersunut assigiimmik agguattarsimagaluarmagit aamma taamaattumik matumani periuseq allanngortinneqarsimasoq?**
- 5. Naalakkersuisoqariup Naalakkersuisulluunniit isumaasa qularnaarsimanerlugu, pisassiissutinik agguasseqqinnermi aalisartitseqatigiiffiit assigiimmik pineqarsimasut aamma tunngavilersuutit pivusorsiortut tunngavigalugit?**

(Inatsisartunut ilaasortaq Michael Rosing, Attaviitsoq)

Tunngavilersuut:

Nunamut demokratiskiusumut tunngaviuvoq naalakkersuisunit kikkut tamarmik assigiimmik pineqassasut. Matumani pineqartumi malunnarpoq immikkoortitsisoqarsimasoq tunngavilersuuteqarani pivusorsiortunik. Taamaattumik kissaatigaara Naalakkersuisut erseqqissassagaat ilumut tunngavilersuutit pivusorsiortut pisumi tunngavigineqarsimanersut.